



CAsparus, patria Gandauus, à teneris annis operam literis dedit, & prima literarum fundamenta feliciter iecit. postea sese hinc inde ad academias contulit, & liberalibus artibus diligenter incubuit. In primis uerò Poëticen didicit, & naturali impetu in ea scientia tantopere profecit, ut ex tempore plurimos uersus conderet, Lauream à Cæsare impetraret, & optimis Poëtis similis esset. Itaq; uaria Poëmata conscripsit, atq; posteritati ingenij sui uim declarauit. Cum etiam Historiarum lectione plurimum delectaretur, Germaniam suis lucubrationibus illustrauit, atq; uarios monachorū ordines, & antiquitus fundata monasteria celebra-

uit, & 1551 Ingolstadtij edidit. Idem uerò cum etiam in Germaniæ Episcopatibus tentaret, atq; hinc inde magnis laboribus peregrinationes longinquiores suscepisset, ex insperato maleuolorum insidijs interceptus occubuit, magna rei literariæ iactura. Anon.